

Visoki predstavnik nametnuo izmjene i dopune Zakona o putnim ispravama

Danas je Visoki predstavnik, Wolfgang Petritsch, nametnuo amandmane na Zakon o putnim ispravama Bosne i Hercegovine. Jedinstveni pasos predstavlja znacajan korak naprijed u promoviranju slobode kretanja i osiguranju jednakog tretmana svih gradjana Bosne i Hercegovine. Visoki predstavnik je donio ovu Odluku koristeći se ovlastima koje su mu date u skladu sa Aneksom 10 Daytonskog mirovnog sporazuma i članom XI Zaključaka Vijeća za implementaciju mira sa konferencije održane u Bonu 1997. godine.

Ova Odluka je donesena u konsultacijama sa Upravnim odborom Vijeća za implementaciju mira na sastanku koji je održan u srijedu u Briselu nakon visetjednog opstrukcionističkog ponašanja Parlamenta BiH i Predsjedništva BiH. Predsjedništvo BiH je pred Ujedinjenim narodima 1999. godine dalo čvrsto obećanje da će ovaj Zakon biti usvojen. Predstavnički dom nije usvojio amandmane na jučerasnjoj sjednici koja je održana prije samog isteka roka dogovorenog u Njujorku. Delegati iz reda srpskog naroda su glasali protiv ovih amandmana, neslavno završivši osam sedmica potpuno neproduktivnog rada Parlamenta Bosne i Hercegovine.

Argumenti koje su razni nacionalistički lideri u ovoj zemlji iznijeli protiv jedinstvenog pasosa su zasnovani na ograničenim i sebičnim idealima koji nisu u skladu sa onim što većina gradjana BiH danas želi – integracija u Evropu, mogućnost slobodnog putovanja i prosperitetna budućnost. Popularnost registarskih tablica Bosne i Hercegovine to dokazuje.